

խօսք մուհտուն զի^օ էր, և յո^օյր հանգչի բանն: Եւ որպէս կամի անցանի վէզիրն թէ Ահա սկսաւ որդ¹⁾ լինել ի մէջ տէրութեան քո, և մեծութիւն քո քեզէն լըւաւ զխօսք նորա: Եւ թագաւորն հաւատայր նմա յոյժ յոյժ, և Դո՛ւ զիտես, ասէ: Եւ զայն օր իսկոյն ըմբռնեալ զնա և հանին ի տանէն յանկարծօրէն, եւ զին ի նաւ և աքսորեցին զէպ ի Ղարամուսալ: Յաւաջագոյն երկօքեանս միակամ էին, զի Անատօլի էր զազի և եբեր մուհտի արար, այս է՝ Պօլուլի Մուստաֆայ. և երբ ընդ վալիտին եղև և զվէզիրն կամէին ուտել և ինքեանք յառաջանային, ոչ եղև այնպէս, այլ վէզիրն յաջողեցաւ: Եւ եզ մուհտի զԱնատօլոյ զազիէսքէնն որ երբեմն գերի անկեալ էր ի Յըւանկս ի զնալն ի Մըսըր ընդ սեաւ ներքինոյն, որ պատերազմի սկիզբն եղև:

Ապրիլի Գ Զատիկն սուրբ, որ եղև ի թվականիս ՌՃԸ: Այնք որ պատճառ եղեն սպանման Թուամ կոչեցեալ վարդապետի և եղև դրամից բազմաց խարճ, զոր ասացաք փոքր ի շատէ անցեալ ամին, յորոց ծախից զմի բաժինն յերուսաղէմայ կնքոյլ ևս մօհրել ետուն զթուղթն, որ ինքեանք մօհրեալ էին ձեռամբ Աստուածատուր վարդապետի ԺԴՌ ղուռուշի: Եւ պահանջէր տէր զրամին ի նոցանէ, և նոքա պահանջէին ի վարդապետացն, և նոքա ոչ տային և ոչ մի. և մաքառէին ընդգլխմանային էրիցօք և աշխարհականօք, մեծամեծօք և փոքումբք հանապազ առ նոսա, որ նստեալ կային յեկեղեցի Սրբոյն Գէորքայ: Այնքան անկան վարդապետքն և խօճայք քաղաքիս, մինչ զի մահու ջանացին միմեանց և բազում կոիւն: Եւ խօճայքն ընդ եղիազարն մախային և զԱստուածատուր

1) որթ.